

saluire, vnd zu vorigem Flor vnd Bollstande wieder gebracht werden
 müge; Also sagen deroselben wir darvor billig hohen Dank/ vnd in vn-
 terthänigster Zuversicht / Ew. Churfürstliche Durchl. werde es in Churf.
 Gnaden vermercken vnd auffnehmen / Mögen deroselben Wir vnterthä-
 nigst nicht bergen/was massen zu Ew. Churfürstl. Durchl. der sämtlichen
 Obern Creisse Bunds Stände / festes Vertrauen gerichtet ist / sie wer-
 den bey gemelten / dero hochrühmlichen vnd nützlichen actionen, vnab-
 seßlich verharren / vnd sich nicht allein belieben lassen / das zu erlangung
 eines sichern vnd beständigen Friedens / derselbe mit allerseits intere-
 senten zu ziehen / gehandelt vnd geschlossen werde / sondern auch in zwis-
 schen / vnd biß solcher heilsamen Copus erlanget wird / die rechtmässig er-
 griffene Rettungs-Waffen / neben andern Evangelischen Ständen/
 continuirlich fortführen / Vnd können Ew. Churf. Durchl. sich dessen
 wohl versichert halten/ das die Evangelischen Stände der Obern Creisse/
 jederzeit / einen redlichen vnd sichern Frieden einzugehen/ ganz geneigt
 gewesen / wie solches nicht allein dero auffgerichtete Abschiede vnd viel-
 fältige/ so schrift-so mündliche beschehene Erklärungen / Sondern auch
 die Königl. May. zu Dennemarc vnd Nordwegen selbst bezeugen kön-
 nen/ auff dero Königl. Mant. vbernommene Interposition, die
 Confœderirte mit den Gewaltß-Brieffen / vnd andern præpara-
 toriis pacis bestmöglichst / vnd zu seiner Königl. Manestätt gu-
 tem contento, an Hand gangen / sich auch endlich zu beförderung
 der hoch desiderirten Friedenshandlungen / des Orts halben dahin er-
 kläret/ das sie sich/ was S. Königl. Manestätt deswegen mit Ew. vnd
 des Herrn Churfürsten zu Brandenburg / Durchl. Durchl. gut befinden
 vnd vergleichen werden/ gerne vnd willig bequemen wollen/Wie aus bey-
 geschlossener Copey, Num 1. zu befinden: So haben die Königl. May.
 in Franckreich / nicht weniger dero inclination vnd Begierde / zu einem
 sichern / durchgehenden/ Vniversal-Frieden / zu jedweder occasiō, so-
 wol bey den Confœderirten, als sonst / ganz enffrig bezeugen / die
 Confœderirte deren versichern / vnd dazu beweglich erinnern / auch
 noch bey dieser vnserer Versammlung / durch dero hochansehnliche Herrn
 Gesandten / starck anmahnen vnd darvber gleichsamb contestiren las-
 sen / Inmassen solches guten theils aus Copenlicher proposition, Nu-
 mero